

Morning Dogri (NSD) National News Bulletin 25-06-2024

आकाशवाणी

- लोकसभा च नमें चुने गेदे सदस्येदा शपथ ग्रेहण समारोह अज्ज बी जारी रौह्ग।
- सीबीआई नै नीट-यूजी मतेयानें च कथित गड़बड़ा दी जांच लेई बिहार, गुजरात ते राजस्थान थमां 5 मामले अपने हत्थें च लेई लैते न।
- खान्नें सरबंधी केन्द्रीय मंत्रालय नै महत्वपूर्ण ते रणनीतिक खनिजें दी नीलामी दी चौथी किश्त दी शुरूआत कीती।
- अज्जै थमां नमीं दिल्ली च अंतर्राष्ट्रीय चीनी संगठन परिषद दी बैठक दी शुरूआत होग।
- मर्दे दे आईसीसी क्रिकेट विश्व कप च भारत सुपर-8 च आस्ट्रेलिया गी 24 रंजें कन्नै हराइयै सैमीफाइनल च पुज्जी गोआ ऐ।
- अम्मान च अंडर-17 एशियाई कुश्ती प्रतियोगिता च भारतीय टुकड़ी नै 11 तगमें हासल कीते, जिंदे च 4 सुन्ने दे तगमें बी शामिल न।



Oath

18मीं लोकसभा च पैहला सत्र कल नमें चनोए दे सांसदे दे सदन दे सदस्य दे तौर पर सगंध लैने कन्नै शुरू होआ। एह सिलसिला अज्ज बी जारी रौह्ग। लोकसभा च सब्बने थमां पैहले प्रधानमंत्री नरेन्द्र मोदी सदन दे सदस्य दे तौर पर शपथ लैने आले सब्बने थमां सदस्य रेह्। आरजी स्पीकर भर्तृहरि महताब होरें मोदी होरें गी सगंध दोआई। एहदे मगरा लोकसभा अध्यक्ष दे चुनां तगर सदन दी कारवाई चलाने च महताब हुंदी सहायता आस्तै नियुक्त अध्यक्ष पैनल गी सगंध दोआई गई। बीजेपी सांसद राधा मोहन सिंह, फग्गन सिंह कुलस्ते होरें चेयरपर्सन पैनल दे सदस्य दे तौर पर सगंध लैती। एहदे मगरा केन्द्री मंत्री अमित शाह, राजनाथ सिंह, शिव राज चौहान, नितिन गडकरी, मनोहर लाल, पियूष गोयल, जीवन राम मांझी, राजीव रंजन, डॉ. वीरेन्द्र कुमार, किरें रिजिजू, चिराग पासवान ते होरें लोकसभा सदस्य दे तौर पर सगंध लैती।

दिल्ली थमां चुनी गेदी सांसद बांसुरी स्वराज, मनोज तिवारी ते होरें सगंध लैती। हिमाचल प्रदेश थमां साबका केन्द्री मंत्री अनुराग सिंह ठाकुर ते अभिनेत्री कंगना रनौत ते होर दुए मन्ने-परम्मने दे नेताएं लोकसभा सांसद दे तौरा पर सगंध लैती। गुजरात थमां बीजेपी सांसद पुरुषोत्तम रूपाला ते हरियाणा थमां नवीन जिंदल ते कांग्रेस दे दीपेन्द्र सिंह हुड्डा होरें बी सगंध लैती। कर्नाटक दे साबका मुख्यमंत्री बसवराज बोम्मई होरें सांसद दे तौर पर सगंध लैती। बिहार थमां सगंध लैने आले च जेडीयू दे लवली आनंद ते देवेश चन्द्र ठाकुर ते बीजेपी दे जर्नादन सिंह सिग्नीवाल राजीव प्रताप रूडी। रविशंकर प्रसाद, राजद दी मीसा भारती ते कांग्रेस दे तारिक अनवर शामिल न। चंडीगढ़ थमां नमें चनोए दे कांग्रेस सांसद मनीष तिवारी होरें बी सगंध लैती। असम थमां कांग्रेस दे गौरव गोगोई ते रकीबुल हुसैन ते बीजेपी दी बिजली कलिता मेधी सगंध लैने आले च मुख्य चेहरे हे। केई सारे सांसदें हिंदी ते अंग्रेजी दे अलावा तेलुगु असमिया, बांगला, मलयालम, गुजराती, संस्कृत, कन्नड़, उडिया, डोगरी ते होर क्षेत्रीय भाषाएं च सगंध लैती। किश सांसद क्षेत्र दी रिवायती पौशाक लाए दे बी दिक्खे गे। संसद परिसर च सांसदें बश्कार खुशी ते सत्ता पक्ख ते विपक्षी सांसदें बश्कार आपसी तालमेल दिक्खेआ गेआ।

<><><><><><>

CBI-NEET

नीट-यूजी मतेयान च कथित अनियमितताएं दी जांच लेई बिहार, गुजरात ते राजस्थान थमां सीबीआई नै 5 मामले हत्थें च लैते न। अधिकारिणें मूजब सीबीआई नै गुजरात ते बिहार थमां इक-इक मामला ते राजस्थान थमां 3 मामले परतियै दर्ज कीते न। बिहार दी आर्थिक अपराध इकाई नै प्रश्न पत्र सार्वजनिक होने दी सूह् थ्होने मगरा इक खास जांच दल एसआईटी दा गठन कीता। नीट-यूजी नतीजे इस म्हीने दी 4 तरीक गी घोषत कीते गे ते 67 मेदवारें मतेयान च अव्वल थाहर हासल कीती ते बद्धोबद्ध 720 अंक लैते।

<><><><><><>

Jatinder Singh

विज्ञान ते प्रौद्योगिकी राज्यमंत्री डॉ. जितेन्द्र सिंह होरें दिल्ली दे वैज्ञानिक ते औद्योगिक अनुसंधान परिषद सीएसआईआर दे इक हफता इक विशेषार कार्यक्रम दा उद्घाटन कीतां इस्सै सरबंधे च सीएसआईआर दी गतिविधिएं गी बढावा देने आस्तै हफता भर कार्यक्रम आयोजित कीते जांगनं इस मौके संबोधत करदे होई डॉ. सिंह होरें आखेआ जे उद्योग ते ओहदे सरबंधी धडें ते जुड़े दे होर दुए लोकें आस्तै एह पैहल मददगार साबत हाग।

<><><><><><>

Nadda Leader of House

केन्द्री मंत्री जे.पी.नड्डा होरें गी कल राज्यसभा च सदन दा नेता नियुक्त कीता गेआ। उनें पीयूष गोयल हुंदी थाहर लैती जेहड़े हुन महाराष्ट्र दे उत्तर मुंबई थाहर लोकसभा दे सदस्य न। नड्डा होरें गी इस बरे फरवरी म्हीने गुजरात थमां बीजेपी आस्सेआ राज्यसभा च नामांकित कीता गेआ हा। कांग्रेस अध्यक्ष मल्लिकार्जुन खरगे राज्यसभा च विपक्ष दे नेता न।

<><><><><><>

Mines Auction

कोयले ते खन्नं सरबंधी केन्द्र मंत्री जी.किशन रेड्डी ते राज्यमंत्री सतीश चन्द्र दूबे अज्ज नमीं दिल्ली च महत्वपूर्ण खनिज ब्लॉकें दी नीलामी दे चौथे चरण दी शुरूआत कीती। इस नीलामी च महत्वपूर्ण खनिजें दे 21 ब्लॉक शामिल न। इंदे च 11 ताजा ब्लॉक न जेहड़े 6 राज्यें च फैले दे न—अरुणाचल प्रदेश, छत्तीसगढ़, झारखंड, कर्नाटक, राजस्थान ते उत्तर प्रदेश। कार्यक्रम गी संबोधत करदे होई रेड्डी होरें जानकारी दित्ती जे नमीं सरकार दे 100 दिनें दे अंदर—अंदर समुंद्री खनिज ब्लॉकें दी नीलामी दी पैहली किश्त शुरू कीती जाग। खान्नें सरबंधी मंत्रालय दे मूजब इनें ब्लॉकें च केई किस्में दे खनिज हुंदे जिंदे च ग्राफाईट, ग्लैकोनाईट, फासफेट, पोटाश, निकल ते दुर्लभ पृथ्वी तत्व शामिल न।

<><><><><><>

Sugar

भारत अज्ज नमीं दिल्ली च 64मीं अंतराष्ट्रीय चीनी संगठन शुगर आरगेनाइसेशन काउंसल दी बैठक दी मेजबानी करोग। शुगर ते जैव इंधन क्षेत्र दे मते जरूरी मुद्दें उप्पर बचार बमर्श लेई त्रळं दिनें दी इक बैठक च 30 शा मते मुख्खें दे प्रतिनिधि ते मते सारे अंतराष्ट्रीय संगठनें दे नुमायंदे हिस्सा लेंगन।



Indus Water Treaty

अधिकारिणं दस्सेआ जे सिंधुजल समझौते तैह्त्त भारत ते पाकिस्तान थमां इक प्रतिनिधिमंडल ते निरपक्ख विशेषज्ञें किश्तवाड़ दा दौरा लाया ते दळं बिजली परियोजनाएं दा जायजा शुरू कीता। किश्तवाड़ कैलाश नाथ हुदी रिपोर्ट मूजब दफा 370 हटने दे बाद कुसै पाकिस्तानी प्रतिनिधिमंडल दा जम्मू कश्मीर दा एह पैह्ला दौरा ऐ। अधिकारिणं दस्सेआ जे प्रतिनिधिणं एनएचपीसी मुख्यालय दा दौरा लाया ते कन्नै गै डैम लेई ड्रबशाला स्थित 85 एमडब्ल्यू रतले पनबिजली परियोजना आली थाहर दा बी जायजा लैता। प्रतिनिधिमंडल मारूसुदर नदी उप्पर पकलदुल पनबिजली परियोजना दा बी जायजा लैने लेई दौरा लाग। तोआई जम्मू कश्मीर प्रशासन नै इनें प्रतिनिधिमंडल ते निरपक्ख विशेषज्ञें कन्नै तालमेल लेई 25 तालमेल सरबंधी अफसर नियुक्त कीते न।



Delhi

राष्ट्रीय राजधानी दिल्ली दे केई हिस्सें च पानी दी किल्लत जारी ऐ। इस्सै दरान आम आदमी पार्टी ते बीजेपी बश्कार आरोप प्रत्यारोप दा सिलसिला जारी ऐ। दिल्ली दे कैबिनेट मंत्री गोपाल राय, सौरभ भारद्वाज, कैलाश गैहलोत ते इमरान हुसैन होरें प्रधानमंत्री नरेन्द्र मोदी होरें गी चिट्ठी लिखियै हरियाणा थमां 10 करोड़ गैलन पानी हर रोज दी मंग पर आपूं दखल देने दी अपील कीती। पत्रकारें कन्नै गल्ल करदे होई आम आदमी पार्टी दे मंत्रिणं दिल्ली दे उपराज्यपाल हुंदे उस दावे गी खारज कीता जेह्दे च आखेआ गेआ हा जे हरियाणा दिल्ली गी लोड़चदा पानी देआ'रदा ऐ।



IB Chief Extension

इंटेलीजेंस ब्यूरो प्रमुख तपन कुमार डेका हुंदा अगले बरे जून तोड़ी इक बरे लेई कार्यकाल बधाई दित्ता ऐ। मंत्रिमंडल दे नियुक्ति सरबंधी कमेटी नै श्री डेका हुंदा इंटेलीजेंस ब्यूरो दे निदेशक दे तौरा पर कार्यकाल बधाने दी मंजूरी दित्ती। ओह 1988 बैच दे हिमाचल प्रदेश कैडर दे अफसर न। एह्दे अलावा राष्ट्रीय मानव अधिकार आयोग दे सैक्रेटरी जनरल दे तौरा पर भारत लाल हुंदा कार्यकाल बी इस बरे दी 30 जून थमां इक बरे लेई बधाई दित्ता ऐ।

<><><><><><><><>

T-20 World Cup

आईसीसी टी-20 विश्व कप दे इक सुपर-8 मकाबले च कल संजा सेंट लूसिया च भारत नै आस्ट्रेलिया गी 24 रंज कन्नै हराइयै प्रतियोगिता दे सैमीफाइनल च प्रवेश करी लैता ऐ। आस्ट्रेलिया नै टॉस जित्ति यै भारत गी पैहले बल्लेबाजी करने लेई आखेआ। भारत नै 20एं ओवरें च 5एं विकटें दे नुक्सान पर 205 रंज बनाए। जित्त लेई लोडचदे 206 रंज दे लक्ष्य दा पिच्छा करदे होई आस्ट्रेलिया पूरे 20 ओवर खेडिड्यै बी 7एं विकटें दे नुक्सान पर 181 रंज गै बनाई सकी। भारतीय कप्तान रोहित शर्मा जिन्नै 41 गेंदें च 92 रंज बनाए, गी प्लेयर ऑफ द मैच घोषत कीता गेआ। आस्ट्रेलिया दी तरफा ट्रैविस नै 43 गेंदें च 76 रंज दा योगदान दित्ता। भारत दा अगला मकाबला वीरवारें मजूदा चैंपियनप इंग्लैंड कन्नै होग। तोआई दक्खन अफ्रीका बी पैहले गै सैमीफाइनल पुज्जी गेदा ऐ।

<><><><><><><><>

U-17

भारत नै अम्मान च अंडर-17 एशियाई कुश्ती प्रतियोगिता च कुल 11 तगमे अपने नां कीते न। जिंदे च 4 सुन्ने दे, 2 चांदी ते 5 कैह दे तगमें शामिल न। भारतीय युवा टुकड़ी शा महिला पहलवानें 4 सुन्ने दे तगमें जित्ते न। दिपांशी नै 46 किलोग्राम, मुस्कान नै 53 किलोग्राम, रजनीता नै 61 च अपनी अपनी वनज क्षेणिणं च शानदार प्रदर्शन कीता। उआं राजा बाला नै 40 किलोग्राम वनज च चांदी दा तगमा अपने नां कीता।

<><><><><><><><>